



特別報導(2)：

以愛為基・以德為鄰——

「泰國李氏大宗祠」李氏祠堂記

◎資料提供：泰國李氏宗親總會
地區：泰國

【編者按】：

此篇「李氏祠堂記」，是「泰國李氏宗親總會」第4~16屆的理事長李建南宗長所撰；文中記述「泰國李氏大宗祠」的建祠緣起以及建築結構設計，文末用「以愛為基，以德為鄰」互勉，將「愛宗族之心」擴大至愛民族、愛天下人，並期盼「世界大同」的來臨。全文如下：

李氏祠堂記

夫宗廟之禮，所以序昭穆；敦親睦族，所以重孝悌；明德親仁，所以明人倫；旨在尊宗敬祖。蓋中華民族，禮義之國也。

大傳曰：「親親故尊祖，尊祖故敬宗，敬宗故收族，收族故宗廟嚴。」聖賢垂教，人文精神。

吾「泰國李氏宗親總會」，成立以茲，已歷三十餘春秋；創會要旨，在乎團結親誼。蓋我李氏，千支萬派，無間大江南北，雲初世族，遍佈天下；文通武達，政輔朝綱，經營濟世，代有後賢；柯條萬枝，根惟一本，源流百紀，脈衍千秋。

李氏宗族，以隴西為郡望，以盛唐為幟誌。唐末李氏渡江南遷，五代時至宋、元、明、清，遍佈江南。元末明初，至清而民，向海外播遷，代居泰國，遠屆東南亞，以至西歐各國。時及當代，交通便利；旅遊者然，經商者然，途徑佛邦，故國鄉親，蘭芷芬芳；大唐冠蓋，湄江文采，若無

萃集本姓之祠，何如表達親親尊敬之誼？同仁皆有觀感所及，是以有倡建宗祠之議；俾海外宗人，繼代尋根，問本有源，尊祖敬宗，仁愛共守；知世系之昌盛，明宗功之豐榮，於是建祠緣起。

公元一九八八年八月一日，「泰國李氏宗親總會」以理事長建南為首，副座有泉、興多等，前往「大京都之挽那達大馬路第十二公里挽批四角」處，購地六萊，擬建宗祠。福地座北朝南，輿家相明，喜為大發祥之地；遂擇吉日於公元一九九〇年元月四日九時，舉行奠基禮。宗祠經勘明定基，座丑兼癸向丁兼未；祠堂中門，為丁兼未，左門丁兼午，右門未兼坤。

祠堂設三進，中堂為祭祀獻禮；上廳為隴西堂，座列祖龕；左右明廊後廳環擁，左廂屬青龍，右廂屬白虎，作李氏各分會理事之處。後堂屬玄武，樓上為大禮堂，樓下為總會辦公廳及會客廳、宴會廳等；佈局有則，形呈懷抱。祠堂通體有吉祥之象，宏圖定誌，鳩工建築，歷八年之工而告成。

宗祠已立，形象莊嚴壯麗。自今始，歲時祭祀，俎豆馨香；匯集支派，敦孝友於一堂，興讓興仁，至禮之誠，以愛為基，以德為鄰；出而輔世，入則齊家，行則仁義，守則忠信，愛其宗族。宗族感情立，以愛宗族之心愛民族，既愛華族亦愛泰族，則中泰兩族友誼生；以愛民族之心愛天下人，則世界大同至矣。立祠大義在此，述其緣起，旨在勉勵，是為記。

裔孫——建南 敬撰

【編者注】：

- (1) 《禮記·大傳》：「親親故尊祖，尊祖故敬宗，敬宗故收族，收族故宗廟嚴，宗廟嚴故重社稷，重社稷故愛百姓……」。
- (2) 漢代經學大師 鄭玄：「收族者，謂別親疏，序昭穆。」
收族：意即團結族人；是指以親疏遠近、上下尊卑之序團結族人。